

◎東漢紀

光武帝（名秀前漢景帝六世孫）

王莽篡漢，天下不服，盜賊蠭起，最著者爲赤眉銅馬。

漢諸將欲立劉氏號召天下。時劉秀及兄縯，屢有戰功，豪傑歸心。諸將畏之，貪更始將軍劉玄懦弱，立爲帝。

（甲）定鼎以前
混亂

漢軍李松鄧曄攻入長安，斬王莽。玄升殿羞俯首刮席，只問擄掠幾何。

劉玄忌劉縯殺之，昏亂甚於王莽，四海怨叛。復使劉秀外徇河北。

耿純諸將，勸劉秀正號位，乃即位鄴南，改元建武。

「赤眉立劉盆子爲帝（受拜時恐懼欲啼），率兵攻長安，劉玄敗降。」

◎光武帝武功

秀徇昆陽，王莽遣王尋率兵數十萬圍之。尋將有長人巨無霸；驅虎豺犀象，以助威武。

(甲) 昆陽之戰

秀將步騎千餘之，斬首數十級。諸將曰，劉將軍見小敵怯，見大敵勇，可怪也。

諸將乘之，震呼動地，會大雷風雨，虎豺皆股戰，莽兵潰殺尋。

關中震恐，海內皆殺牧守響應，改漢年號。

(乙) 降服銅馬

秀爲蕭王時，擊銅馬高湖等賊，悉破降之。諸將未能信，降者亦不自安。

「秀敕各歸營勒兵，自乘輕騎按行部陣。降者曰，王推赤心，置人腹中，安得不投死乎。」

(丙) 平定赤眉

馮異兵易赤眉裝伏道側，以弱兵誘戰，伏起大破之，赤眉潰。帝勒軍截之，赤眉驚降，上傳國璽綬。

◎東漢外交

孝明帝（名莊光武帝子）

(甲) 天竺求經

帝夢金人丈餘，項有日光，飛行殿庭。以問羣臣，傳毅以佛對。

遣使至月支求之，得摩騰迦葉竺法蘭二僧，以白馬馱經來，舍洛陽鴻臚寺，因建白馬寺傳經。

(乙) 平定
西域

班超以三十六人使西域，至鄯善（今新疆迪化），其王廣先恭後疏，超疑有匈奴使來，召侍胡詐詢之，得其實狀。

會夜大風，超以十人持鼓，藏虜舍後，約見火鼓呼，餘持兵弩夾門伏，超縱火，衆應起，斬其使，虜百餘，殺燒俱盡。

超持虜首示王廣，一國震驚，諸國皆恐，各遣子入侍。

孝和帝（名肇明帝孫章帝子）

(甲) 北擊
匈奴

竇憲擊北匈奴，降二十萬衆，出塞三千里，勒功燕然山（今蒙古地）。

耿夔北擊匈奴，圍其單于於金微山（漠北），大破之，出塞五千里。

◎末葉亂源

孝靈帝（名宏，桓帝子和帝後第四帝）

宦官曹節等專權，殺太傅陳蕃及大將軍竇武。又鉤黨殺名流李膺等百餘人。

(甲) 宦官黃巾之禍

鉅鹿 張角以妖術誘衆，聚徒數十萬，著黃巾，天下響應。

盧植 皇甫嵩等，討黃巾賊，植被譖檻車徵還，嵩討平之。

(乙) 宦官外兵之禍

帝崩，皇子辯即位，袁紹說大將軍何進誅宦官張讓等，何太后不聽，紹進召外兵爲援。

謀洩，張讓殺何進，袁紹引兵盡誅諸宦。

董卓入廢帝，立協爲帝，袁紹奔冀州，卓弑何太后及廢帝。

◎ 羣雄割據

孝獻帝（名協靈帝子）

關東州郡起兵討卓，推袁紹爲盟主。後以意見不合，各據州郡互攻。

(甲) 董卓之亂

董卓燒洛陽宮闕，掘諸帝陵，劫帝遷長安。

司徒王允謀討卓，說卓將呂布爲內應，誅卓，守吏置炷卓臍中然燈。

(乙) 漢政歸曹

卓部李傕郭汜反殺王允，李郭又自鬩，李傕劫帝入營。

楊奉韓暹迎帝還洛陽，董承召曹操入，操迫帝遷許，此後政歸曹操。

(丙) 操之凶逆

帝受操制，董承與劉備謀誅之，謀泄，操殺承。承女爲帝貴人，方娠，並殺之。備適在外免。

「皇后伏氏見弑董貴人，心懼，與父完書密圖之，事亦泄，操收后並二皇子皆弑之。」

◎東漢之亡三國鼎立

(甲) 赤壁戰役形式

曹操削平羣雄，由荊州東下。江東孫權遣周瑜等，聯合劉備拒操，戰於赤壁，以火攻之，操敗北還。

劉備留關羽守荊州，與諸葛亮西取益州，孫權據江東，曹操在北，三國之勢遂成。

(乙) 曹丕篡漢

羽北攻操，孫權受操勸襲荊州，羽退遇吳伏兵，被擒遭害，蜀吳失和。

操死其子丕，篡漢稱魏帝，西蜀聞之，備即皇帝位，以承漢統，其後孫權亦稱吳帝。

(丙) 諸葛
政事
軍事

蜀漢帝崩，丞相諸葛亮復與吳和。
益州（今雲南）雍闓叛附吳，又使孟獲誘諸夷叛，亮南征殺闓，七擒孟獲降之。
亮屢伐魏，造木牛流馬運糧，魏將司馬懿畏避之，後卒于軍。

◎三國末勢

(甲) 蜀漢
之亡

丞相亮卒，監軍姜維，自恃才武，每欲大舉伐魏，大將軍費禕嘗裁制之，持重不欲徼倖。
禕卒，維屢伐魏無功，蜀人愁苦怨之，後主禪又信宦官黃皓，事多扼之，維避禍查中（陝西金縣）。

魏司馬昭患維，遣鄧艾鍾會入寇，突圍成都，後

主禪降，蜀漢亡。

維誘鍾會殺艾，又勸會盡殺北將，已因殺會復漢，謀不成，三人均被亂軍所殺。

曹爽奉魏主芳出外謁陵，司馬懿閉門拒之，爽釋兵歸家，懿收殺之，夷三族。此後魏政皆歸司馬氏。

(乙) 曹魏之亡

懿死其子師爲晉王，廢皇后張氏，繼廢其主芳，立髦爲主。師死其弟昭立，更弑其主髦。昭子炎立，逼魏主奂禪位，魏亡。